

2. 2. ՄԱՐՏԻՐՈՍՅԱՆ

**ԿԻԼԻԿԻԱՅԻ 1909 ԹՎԱԿԱՆԻ ԱՊՐԻԼԻ ՀԱՅԿԱԿԱՆ ԿՈՏՈՐԱՄԸ
ԽԻ ԵՐԻՏԱՍԱՐԴԻ ԹՈՒՐԳԵՐԻ ՊԱՏԱՍԽԱՆԱՏՎՈՒԹՅԱՆ ՀԱՐՑԸ**

*Ադանայի շարդերուն պատասխանատուները ճշտելու
գործին մեջ եթե Զոհրապ չըլլար, թե՛րև ջարդվածները
ճանցավոր ճաշակվեին:*

Երվանդ Օտյան¹

Մեր սրբազան պարտքը համարելով հայ տաղանդավոր նովի-
լիստ ու հասարակական գործիչ Գրիգոր Զոհրապի հարցին անդա-
դառնալ սույն հոդվածի վերջում, առայժմ նշենք, որ հայ մեծանուն
դրող Երվանդ Օտյանի՝ մեր բնաբանում բերված այն միտքը, թե
Ադանայի կոտորածների ժամանակ «ջարդվողները», այսինքն՝ հա-
յերը, քիչ էր մնում «հանցավոր հուշակվեին», իր ժամանակի համար
ամենևին պատահական ու անհիմն չէր: Բանն այն է, որ այդ կոտո-
րածների համար հայերին պատասխանատու ճանաչելու և նրանց
մեղադրելու համար քիչ քանք չգործադրվեց նոր, սահմանադրական
Օսմանյան կայսրության օրենսդիր օրդանում՝ մեջլիսում, իսկ մեր
օրերում, անապացույց մնացած և անհիմն այդ մեղադրանքները
դեռ շարունակում են «հաստատել» ու «ապացուցել» կայսրության
շրջանի ղեկավար քաղաքական գործիչներն իրենց հիշողություննե-
րում և ժամանակակից թուրք պատմաբաններն իրենց պատմական
աշխատություններում: Թուրք պատմաբանների օրինակով, այդ
ղեկերին նույնպիսի տենդենցիոզ մեկնաբանություններ են տալիս
նաև արևմտաեվրոպական ու ամերիկյան բուրժուական որոշ պատ-
մաբաններ:

¹ Երվանդ Օտյան, Երկեր, Հայպետհրատ, Երևան, 1956, էջ 668:

Այդ ամենի հետևանքով, Կիլիկիայի 1909 թվականի հայկական կոտորածների պատասխանատվության հարցում ստեղծվել են տարբեր մոտեցումներ, տարբեր գնահատականներ ու կարծիքներ՝ իրարամերժ ու հակասական: Քանի որ Կիլիկիայի արյունալի դեպքերը տեղի են ունեցել 1909 թվականի ապրիլի 13-ի (մարտի 31-ի) հետադիմական հեղաշրջման հաջորդած այն 13 օրում, երբ երիտասարդ թուրքերը երկրում կոորդին իշխանությունը և վերստին դրություն տեր դարձավ Արդուլ Համիդ II սուլթանը, ամենից ալիքի տարածում գտավ այն կարծիքը, որ այդ կոտորածները հանդիսացել են այդ արյունարբու սուլթանի ձեռքի գործը: Այս տեսակետը պաշտպանողները կամ հարցը խորը չեն ուսումնասիրել և կամ պարզապես հետապնդել են քաղաքական նպատակ՝ պաշտպանել երիտթուրքերին հնարավոր ամբաստանություններից: Մյուսները, շփտելով այդ տեսակետը, ենթադրել կամ անվիճելի են համարել երիտթուրքերի մեղսակցությունը այդ ոճիրին²:

Բոլոր այդ կարծիքների մեջ մինչև հիմա էլ դեռ անորոշ է մնում այն հարցը, թե այդ ջարդերը տապալված վարչակարգի վերջին արարքն էին արդյոք, թե ընդհակառակը, նոր Թուրքիայի առաջին գիտակցված շարժումը³: Սույն հոդվածում փորձ է արվում ի մի բերելով այդ հարցում եղած տարբեր կարծիքները, արխիվային փաստաթղթերի և վերջին ժամանակներս հրապարակ հանված այլ նյութերի հիման վրա որոշ չափով պատասխան տալ այդ հարցին:

* * *

«Ասիական ժողովուրդների զարթոնքի» համաշխարհային պատմական խոր պրոցեսը, որը առանձնապես լայն թափ ստացավ ռուսապոնական պատերազմից և 1905—1907 թթ. ռուսական հեղափոխությունից հետո⁴, չէր կարող իր անմիջական ազդեցությունը չունենալ հեղափոխության օրրանին՝ Ռուսաստանին այնքան մոտ գտնվող օսմանյան լայնածավալ ու բազմազգ կայսրության վրա: Այդ բուրժուական հեղափոխությունը սուլթանական Թուրքիայի ժողովուրդների սրտում զարթեցրեց ազգային ու սոցիալական դարավոր ճնշումից ազատագրվելու հույսը և ցույց տվեց այդ նպատակին հասնելու իրական ուղին:

² Տե՛ս օրինակ, V. Berard, La Mort de Stamboul, Paris, 1913. p. 209.

³ Տե՛ս Հր. Պատրիսյան, Հայոց պատմություն, Բ հատոր, Անթիլիան-Լիբանան, 1958, Թարգմ. Ֆրանս., էջ 178:

⁴ Տե՛ս Վ. Ի. Լենին, Երկեր, հատ. 15, էջ 266:

Ասկայն սուլթանական Թուրքիայի ժողովուրդների ազատագրական շարժումները մեկ միասնական հոսանքի մեջ համախմբելու գործին մեծ խոշորոգոտ էին հանդիսանում մուսուլմանական մոլեռանդությունը, բուրժուական նացիոնալիզմը և իմպերիալիստական տերությունների մեքենայությունները։ Արդուլ Համիդի բռնակալական ռեժիմը տապալելու համար այդ բոլոր ազգային ցաք ու ցրիլ ուժերից մեկ ընդհանուր ճակատ կազմելու խնդիրը իրենց վրա վերցրին երիտթուրքերը, որոնք, ապահովելով այդ ընդհանուր նպատակով միավորած ուժերի անվերապահ աջակցությունը, երբ հեղափոխական իրադրությունը արդեն հասունացել էր ինչպես ներքաղաքական, այնպես էլ միջազգային տեսակետից, անցան վճռական դրոշի և հարկադրեցին Արդուլ Համիդ II սուլթանին վերականգնել 1876 թվականի սահմանադրությունը և նշանակել պառլամենտական ընտրություններ։ Իրենք՝ երիտթուրքերն էլ կայսրությունում դառնալով զրության տերը, հռչակեցին վաղուց խոստացած «եղբայրություն», «հավասարություն», «ազատություն» և միայն իրենց՝ թուրքերի համար հասկանալի, սպեցիֆիկ «արդարություն» լողունդները։

Այսպես կատարվեց թուրքական այդ գրեթե անարյուն հեղափոխությունը։ Եվ քանի որ այն կատարեցին բուրժուական հեղափոխականները, ապա նրա խնդիրները դրանով էլ ավարտվեց, մնալով որպես վերնախավային հեղափոխություն։ Եվ չնայած, որ հեղափոխությունից հետո, որոշ ժամանակ, երկրում տիրում էր ընդհանուր խանգավառություն և ոգևորություն, տեղի էին ունենում թուրք և ոչ թուրք ժողովուրդների հղրայրացման ցույցեր, թուրքերի կողմից ճնշված ազգերը իրենց լրիվ հաշիվ էին տալիս, որ թեպետ երիտթուրքերը խոսքով հանդես էին գալիս որպես կայսրության բոլոր ժողովուրդների միասնության ու հավասարության կողմնակիցներ, բայց իրականում նպատակ ունեին պահպանել թուրքերի գերիշխանությունը ոչ-թուրքերի նկատմամբ, այն տարբերությամբ միայն, որ թուրքական ֆեոդալական ճնշմանը փոխարինելու էր գալիս բուրժուական ազգային ճնշումը։

Թուրքիայում ծավալված ազգային-ազատագրական պայքարը իր զարգացման ճանապարհին բախվում էր երիտթուրքերի հակադեմոկրատական ու հակաժողովրդական շովինիստական քաղաքականության հետ, քանի որ, ինչպես նշել է Վ. Ի. Լենինը, երիտթուր-

քերի «այդ հեղափոխութիւնը թշնամի է Օսմանյան կայսրության մեջ սկսվող պրոլետարական պայքարին»⁵:

Հեղափոխութիւնից հետո երիտթուրքերը խուսափեցին անմիջականորեն նոր կառավարության կազմի մեջ մտնելուց և այն գլխավորելուց: Բայց մայրաքաղաքում և տեղերում ստեղծած իրենց բազմաթիվ կազմակերպութիւնների միջոցով նրանք իրենց խիստ վերահսկողութեան տակ էին պահում ինչպես կառավարական ու պետական ամբողջ ապարատը, այնպես էլ իշխանութեան տեղական օրգանները: Եթե այս ընդհանուր պատկերին ավելացնենք նաև այն, որ երիտթուրքերը շատ շուտ մոռացութեան տվեցին հանդիսավոր կերպով հռչակած «ազատութեան», «եղբայրութեան» և «հավասարութեան» լոզունգները, ապա հասկանալի կդառնա երկրի տարբեր ազգութիւնների և խավերի խոր դժգոհութիւնը երիտասարդ թուրքերի ստեղծած ռեժիմից:

Երկրում ծնունդ առած ընդհանուր դժգոհութեան պայմաններում առանձնապես ուժեղացավ ծայրահեղ հետադիմական տարրերի ակտիվութիւնը, որոնք պայքար էին մղում «Միասնութիւն և առաջդիմութիւն» կուսակցութեան լծի դեմ և ձգտում էին վերականգնել հին ռեժիմը⁶: Այդ նպատակով Ստամբուլի կայազորի զինվորները «Ախրար» (լիբերալների) կուսակցութեան և հետադիմական մուսուլմանական հոգեւորականութեան պրոպագանդայի ազդեցութեան տակ 1909 թվականի ապրիլի 13-ին (հին տոմարով մարտի 31-ին) խռովութիւն բարձրացրին: Խռովարարները հիմնականում գլարդիական զորամասերն էին, որոնք կազմում էին սուլթանի պահակախումբը և նվիրված էին նրան: Պրոպագանդան վարել էին այնքան զաղտնի, և խռովութիւնը տեղի ունեցավ այնքան անակնկալ, որ նրանք, ուլքեր պետք է ամենից ավելի վախենային նրա հաջողութիւնից, շկարողացան ոչինչ ձեռնարկել այն կանխելու համար: Հեղաշրջումից հետո Թուրքիայի Ազգային ժողովը Սենատի նախագահ Սայիտ փաշայի գլխավորութեամբ մայրաքաղաքից մեկնեց Սան-Ստեֆանո և մնաց այնտեղ մինչև Կոստանդնուպոլսի ազատագրումը «գործողութեան» բանակի կողմից⁷:

Երկրում տիրող քաղաքական այսպիսի տակնուվրայութիւնների պայմաններում, երբ նոր ռեակցիոն ռեժիմը դեռ իր դիրքերը չէր

⁵ Վ. Ի. Լենին, երկեր, հատ. 15, էջ 268—269:

⁶ *Şe'at* Новая история стран зарубежного Востока, т. II, стр. 4.

⁷ *Şe'at*, I. H. Danişmend, *Izahli Osmanlı Tarihi Kronolojisi*, cilt IV, s. 375.

ամրապնդել երկրում և վստահ չէր իր հարատևությանը, մայրաքաղաքից հեռու ընկած Ադանա քաղաքից երկրով մեկ տարածվեց հայկական կոտորածների դարհուրելի լուրը, կոտորածներ, որոնք մի քանի օրվա դադարից հետո նոր ուժով վերսկսվեցին վիլայեթի մյուս գրեթե բոլոր հայաշատ քաղաքներում ու գյուղերում և որոնց հետևանքով զոհվեցին մոտ 30 հազար անմեղ հայեր, երեք հարյուր կալվածք հրո ճարակ դարձավ, հափշտակվեց ավելի քան տասը հազար գլուխ անասուն, իսկ նյութական վնասները հասան մինչև քսան միլիոն թուրքական լիրայի (մոտավորապես 500 միլիոն ֆրանկի)⁹:

Հայ մեծանուն պատմաբան Լեոն «Անցյալից» գրքում, կրկնելով իր ժամանակ տարածված այն տեսակետը, թե Արդուլ Համիդը «քանի դեռ իր արյունոտ գահի վրա էր, ... կատարում էր իր վերջին հրեշավոր ոճիրը, հրամանագրելով հայերի ջարդ Ադանա քաղաքում և շրջանակներում»⁹, միաժամանակ միանգամայն տեղին նշում, է, որ երիտթուրքերի կուսակցությունն ամեն ջանք գործադրում էր ցույց տալու համար, որ Ադանան ամբողջովին հին ռեժիմի ոճիրն է. «Բայց,— շարունակում է Լեոն,— այս ջանքերը չպսակվեցին կատարյալ հաջողությամբ: Մնացին շատ կասկածներ (ընդգծումը մերն է.— Ն. Մ.), որոնք ապացուցում էին, թե երիտթուրքերն էլ անմեղ չեն»¹⁰:

Ռուս պատմաբան Գուրկո-Կրյաժինը Ադանայի դեպքերը վերագրում է հին ռեժիմին: Նա գրում է. «...15—20.000 հայեր, կոտորվեցին հակահեղափոխության պահին Կիլիկիայում՝ այս է «արյունարբու սուլթանի» մոայլ տիրապետության վերջին հանրադրմաբը»¹¹:

Ադանայի հայ բնակչության կոտորածը նույն կերպ է ներկայացնում նաև ամերիկացի բուրժուական պատմաբան Ջոզեֆ Գրինը. «Պետք է նշել,— գրում է նա,— որ Կոստանդնուպոլսի խռովության իսկ օրը Ադանա քաղաքի ու նահանգի մուսուլմանական բնակչությունը, որին հրահրում էին Կոստանդնուպոլսից, հարձակվեց իր քրիստոնյա հպատակների վրա և մի քանի օրվա ընթացքում կողոպտեց ու սպանեց 20.000 հայ, ավերեց բազմաթիվ քրիստոնեա-

⁹ Georges Brézol, Les Turcs ont passé la... La vérité sur les massacres d'Adana de 1909, Paris, 1911, p. 12.

⁹ Ը ն ո, Անցյալից: Հուլիս, թղթեր, դատումներ, Թիֆլիս, 1925, էջ 227:

¹⁰ Նույն տեղում:

¹¹ В. А. Гурко-Кряжин, История революции в Турции, М., 1923, стр. 60.

կան գյուղեր, եկեղեցիներ, դպրոցներ, սպանեց մեծ թվով վարդապետների, այդ թվում ամերիկացի երկու միսիոների և 20 բողոքական պատուրի, ինչպես նաև կոլեջի մի պրոֆեսորի... Խոռովությունն ու կոտորածը հանդող հրեշավոր սուլթան Արզուկ Համիդի վերջին ճիգերն էին»¹²:

Եվ վերջապես, ֆրանսիացի բուրժուական պատմաբան Ա. Սարրուն, 1912 թվականին հրատարակած «Երիտասարդ Թուրքիան և հեղափոխությունը» գրքում Կիլիկիայի հայկական կոտորածը ամբողջապես համարում է «հին ռեժիմի», այսինքն՝ Արզուկ Համիդի իշխանության գործը, իսկ երիտթուրքերին ներկայացնում է իրրե երկրում «կարգ ու կանոնը և խաղաղությունը պահպանելու ձգտող միակ ուժը: «Այն ժամանակ,— գրում է Սարրուն,— երբ Կոստանդնուպոլսում բռնկեց այդ ահարկու հետադիմական շարժումը, Ադանայում ռեակցիան սկսեց մի սարսափելի կոտորած... Երիտասարդ թուրքերին հավատարիմ մնացած պաշտոնյաների օգնությամբ «Միասնություն և առաջադիմություն» կուսակցության կոմիտեններին ու ենթակոմիտեններին հաջողվեց պահպանել կարգ ու կանոնը: Բայց Ադանայում ռեակցիան նպաստավոր հող գտավ, իսկ պաշտոնյաներն էլ կարծես ոչինչ չէին նախաձեռնում, որպեսզի կանխեն կոտորածները հրահրողների սադրանքները:

Այս նողկալի ռճրագործությունը վարկաբեկեց հին ռեժիմին, համիդյան ռեժիմին, այլ ոչ թե երիտթուրքերին, ինչպես ոմանք ներկայացնում են: Ծիշտ չէ խոսել այդ դեպքերի մասին առանց ցույց տալու դրանց սերտ կապը 1909 թվականի ապրիլի 13-ի Կոստանդնուպոլսի դեպքերի հետ: Ստույգ է, որ դա նույն կուսակցությունն է, որը կազմակերպել է ռեակցիան մայրաքաղաքում և հրամայել իրականացնել զարհուրելի կոտորածը Ադանայում»¹³:

Անգլիացի ժամանակակից բուրժուական պատմաբան Բեռնարդ Լյուիսը «Ժամանակակից Թուրքիայի ծագումը» գրքում, խոսելով 1909 թվականի ապրիլյան դեպքերի մասին, գրում է. «Հետադիմական շարժումը բնավ միայն Ստամբուլով չսահմանափակվեց: Կասկածնի՞ զուգադիպությամբ (ընդգծումը մերն է —Ջ. Մ.) խոռովության ալիքը տարածվեց Անատոլիայում: Իրադարձությունները առանձնապես վատ ընթացք ստացան Ադանայի շրջանում և իրենց գազաթնակեղծին հասան հազարավոր հայերի կոտորածի ժամանակ: Այդ դեպ-

¹² Joseph K. Greene, *Leavening the Levant*, New-York, 1916, p. 42.

¹³ A. Sarrou, *La Jeune-Turquie et la Revolution*, Paris, 1912, p. 89—90.

քերի պատասխանատվությունը տարբեր կերպ է բաշխվում: Այն ժամանակ, երբ Եվրոպան սարսափած էր թուրքերի դաժանություններից, մուսուլմանական կարծիքը վերավերված էր հայերի թվացող հանդեմությունից ու քրիստոնեական Եվրոպայի կեղծավորությունից»¹⁴:

Բնրված վկայությունները բավական հիմք են տալիս մտածելու, որ սահմանադրական Թուրքիայում ոչ թուրք (ասենք նաև հենց թուրք) ազդությունների նկատմամբ գործադրված ազդպիսի ու սուբյեկտական ուժեղ ճնշման դրսևորումների, կոտորածների ու բաղմամբիվ ապօրինությունների համար իրավամբ «արյունարբու սուլթան» անունը ստացած Աբդուլ Համիդը որոշ պատմաբանների աչքում ծառայել է որպես քավության նոխազ:

Վերոհիշյալ պատմաբանների առաջ քաշած վերսիսան անհիմն է թվում նաև այն պատճառով, որ դժվար է ենթադրել, թե երկրի հետադիմական ուժերը կամ նրանց գլուխ կանգնած Աբդուլ Համիդ սուլթանը հեղաշրջումից հետո առանց երկրում իրենց իշխանությունն ամրապնդելու, դիմեին իրենց բախտի համար ճակատագրական այնպիսի մի արկածախնդրության, ինչպիսին տասնյակ հազարավոր հայերի ջարդն էր մայրաքաղաքից հեռու ընկած վիլայեթում: Բացի այդ, ստորև մենք կաշխատենք ցույց տալ, որ իր բուլբուլ մանրամասնություններով լավ նախապատրաստված ու կազմակերպված այդ կոտորածները մեկ գիշերվա գործ չէին, որ հայերի ջարդ պաղմակերպելու հարցը լուծված է եղել դեռ այն ժամանակ, երբ երկրում տեղ ու տնօրեն էին երիտթուրքերը հանձինս «Միասնություն և առաջադիմություն» կուսակցության տեղական կոմիտեների ու տեղական իշխանության օրգաններում նստած նրանց գործակալներին: Եվ քանի որ զնալով ավելի ու ավելի է բացահայտվում երիտթուրքերի մեղսակցությունը Ադանայի վիլայեթի հայ բնակչությանը կոտորելու սև գործին, հիշյալ կուսակցության նախկին պարագլուխները և ժամանակակից թուրք բուրժուական պատմաբանները, խեղաթյուրելով պատմական իրողությունները, սկսեցին նոր ջանքեր գործադրել, որպեսզի «ապացուցեն», թե Կիլիկիայի հայկական կոտորածների անմիջական պատասխանատուներն ու մեղավորները իրենք՝ հայերն էին, որոնք «ապագայի կատաղի ապստամբություն բարձրացնելով, նպատակ ունեին պատճառ ստեղծել հիլո-

¹⁴ Bernard Lewis, The Emergence of Modern Turkey, London, 1961, p. 212.

պական տերութիւնների միջամտութեան համար և Կիլիկիայում հիմնել հայկական իշխանութիւն»¹⁵։

Երիտասարդ թուրքերի պարագլուխներից Զեմալ փաշան, որը Ադանայի արյունալի դեպքերից շորս ամիս հետո, օգոստոսի կեսերին նշանակվել էր Ադանայի վիլայեթի նահանգապետ և, իր խոսքերով ասած, «իրենից ավելի լավ ոչ ոք չէր կարող ծանոթանալ հոգեբանական այն նախադրյալներին, որոնք առաջ բերին այդ կոտորածը»¹⁶, անտեսելով, ավելի ճիշտ կոպիտ կերպով խեղաթուրելով պատմական իրական փաստերը, Ադանայի ջարդերի համար մեղավոր է համարում միայն հայերին, դեռ ավելին, միայն մեկ մարդու, այսպես կոչված վերածնյալ հնչակյան կուսակցութեան անդամ Մուշեղ եպիսկոպոսին։ «Ես անձամբ համոզված եմ,— գրում է նա,— որ այդ արյունալի դեպքերի գլխավոր մեղավորը մոնսիեյոր Մուշեղն էր...»¹⁷։

Զեմալ փաշայի այս տեսակետը բաժանում է նաև մեր օրերի թուրք պատմաբաններից Իսմայիլ Համի Դանիշմենդը, որը իր «Օսմանյան պատմութեան ժամանակագրութիւնը» քառահատոր աշխատութեան շորորորդ հատորում գրում է. «Ադանայի դեպքը» կազմակերպել էր այնտեղի հայ հեղափոխական եպիսկոպոս, Մուշեղ անունով արյունարբու հոգևորականը»¹⁸։

Զգալով, որ լայն մասշտաբներ ընդունած Ադանայի կոտորածը մեկ մարդու ձեռքի դործ համարելու վերսիսան ակնհայտորեն կարող է անհավանական թվալ, Զեմալ փաշան, աշխատելով քիչ թե շատ ճշմարտանման դարձնել այդ մեղադրանքը, ստիպված է այնուամենայնիվ նշել, որ «...պատահածի համար պատասխանատւութիւնը հավասարապես ընկնում է նաև նահանգապետի վրա»¹⁹, որի մեղքը, իբր, եղել է այն, որ նա «պետք է հասկանար, թե ինչպիսի վտանգ էր ներակայացնում այդ մարդը և միջոցներ ձեռնարկել նրան վնասադեբժելու համար»²⁰։

Զեմալի պնդմամբ, Մուշեղը մարդիկ ուղարկեց Եվրոպա՝ հայերի համար զենք զննելու նպատակով²¹, և ապա, «վերջապես, ապ-

¹⁵ I. H. Danişmend, aynı eser, cilt IV, s. 373.

¹⁶ Записки Джемаль Паши. 1913—1919. Тифлис, 1923, стр. 210.

¹⁷ Նույն տեղում, էջ 214։

¹⁸ I. H. Danişmend, aynı eser, s. 374.

¹⁹ Զեմալ փաշա, նույն տեղում։

²⁰ Նույն տեղում։

²¹ Նույն տեղում էջ 212։

րիլի 14-ին, մոնսիւնյոր Մուշեղի հրամանով հայերը առաջինը սկսեցին նշանավոր «Ադանայի գործը»։ Ադանայում, Տարսուսում, Համիդիկում, Միզմիսում, Էրզինում, Դյուրթ-Յոլում, Ազրաբիում, մի խոսքով, ամենուրեք, որտեղ հայեր կային, սկսվեց կոտորած։ ...Կառավարութիւնը այնքան անօգնական գտնվեց նույնիսկ վիլայեթի գլխավոր քաղաքում, և նրա շփոթվածութիւնը այն աստիճանի հասավ, որ իշխանութիւններն իրենք այսպես ասած «մորիլիզացիայի» հրաման տվեցին մուսուլմաններին, որպեսզի կանխեն հայերի հարձակումը նրանց վրա»²²։

Ամերիկայի Միացյալ Նահանգներում Թուրքիայի նախկին դեսպան Ահմեդ Ռուսթեմ բեյը ևս փր «Համաշխարհային պատերազմը և Թուրք-հայկական հարցը» գրքում, որը լույս է տեսել 1918 թվականին Շվեյցարիայում, Կիլիկիայի կոտորածների ամբողջ պատասխանատվութիւնը դրում է հայ բնակչության և նրա քաղաքական կուսակցութիւնների վրա։ Նա գրում է. «1909 թվականի ապրիլի 12-ի հակահեղափոխութիւնը, որը թեև տեղի ունեցավ ավելի շուտ, րան այդ պրոպագանդան կտար իր բոլոր ցանկալի արդյունքները²³, կոմիտեների համար (հեղինակը նկատի ունի հայկական կուսակցութիւնները — Հ. Մ.) բարենպաստ առիթ ծառայեց իրենց պլանների իրականացման համար։ Օգտվելով այն հանգամանքից, որ կայսրութիւնում ժամանակավորապես բացակայում է կառավարութիւնը և կարծելով, թե նրա վերջին ժամը հնչել է ալրած սարսափելի ճգնաժամում, նրանք որոշեցին ընդհարում հրահրել մուսուլմանների և հայերի միջև Ադանա քաղաքում և նրա շրջակայքում։ Այդ նպատակով նրանք ամեն միջոց գործադրեցին, որպեսզի երկու տարրերին զրգոեն միմյանց դեմ»²⁴։

Ռուսթեմ բեյը, ջարդերի պատասխանատվութիւնը բարդելով

²² Նույն տեղում, էջ 213—214։

²³ «Պրոպագանդա» տակով Ահմեդ Ռուսթեմ բեյը ակնարկում է հայ ժողովրդի բնական ձգտումը՝ իր հայրենիքը՝ Թուրքահայաստանը ազատագրված տեսնել Թուրքական բռնակալութունից։ Նա գրում է. «Հայերի ղեկավարների գործողութիւնները հանգեցրին այն բանին, որ նրանց ցեղակիցների ճշող մեծամասնութիւնը միաձուլվեց մեկ համերաշխ խմբի մեջ, որը միահամուռ կերպով որոշել էր օգտվել նպաստավոր հանգամանքների առաջին խիստ բերումից, որպեսզի իր ազգի համար ստեղծի թիշ թե շատ ինքնավար մի Հայաստան Արեւելյան Անատոլիայի նահանգներում, որ նա համառորեն հայտարարում է որպես իրենը, հակառակ վիճակագրության և պատմության հերքումներին»։ Ahmed Rustem Bey, La guerre mondiale et la question turco-arménienne, Berne, 1918, p. 30.

²⁴ Rustem Bey, p. 30—31.

հայերի վրա, դրանով իսկ ձգտում է արդարացնել թուրքերի վայրագ հարձակումները հայերի վրա, խեղաթյուրում կոտորածների իրական պատկերը, դրանք ներկայացնելով որպես հավասար զինված ընդհարում կայսրության երկու տարրերի միջև։ Այդ նպատակի համար նա զուգահեռ է անցկացնում Արդուլ Համիդի կազմակերպած կոտորածների և 1909 թվականի ապրիլյան ջարդի միջև։ Նա գրում է. «Էական տարբերություն կա 1895—96 թվականներին տեղի ունեցածի և Ադանայի ողբերգության միջև։ Արդուլհամիդյան ռեակցիան սառնասրտորեն գործում էր հայերի դեմ, որոնք առանց պաշտպանության դիմավորում էին իրենց ճակատագիրը։ Կիլիկիայի մուսուլմանների ռեակցիան մի անմիջական և ուղղակի հակահարված էր իրենց նման լավ զինված հայերի պրովոկացիային։ Այնտեղ մենք գործ ենք ունեցել իսկական կոտորածի հետ։ Այստեղ պայքար է, կռիվ երկու տարրերի միջև։ Դրան ուղեկցած ծայրահեղությունները եղել են փոխադարձ»²⁵։

Պատմական փաստերը կեղծելու այսպիսի փորձերից հետո հաջորդ քայլը պետք է լիներ կեղծել կոտորածներին զոհ գնացած մարդկանց թիվը՝ նվազեցնել հայերին և չափազանցնել մուսուլմանների և ապացուցել, որ «հայերը կանգ չէին առնում կանանց ու երեխաներին սպանելու առաջ»²⁶։ Զեմալ փաշան իր հիշողություններում նշելով, որ Ադանայի այդ արյունալի դեպքերին զոհ գնացին 17.000 հայ և 850 մուսուլման²⁷, միաժամանակ չգիտես ում հետ վիճելով տարօրինակ տրամաբանությամբ պնդում է, թե «այդ թվերը ցույց են տալիս, որ եթե հայերը այստեղ մեծամասնություն կազմեին, ապա արդյունքները հակառակը կլինեին»²⁸։

Հայկական կոտորածները նույն ոգով էլ ներկայացնում է մեր օրերի պանթուրքիստ պատմաբան էսատ Ուրասը, որը իր «Հայերը պատմության մեջ և հայկական հարցը» գրքում մահմեդականներին ներկայացնելով որպես տուժող կողմ, Ադանայի կոտորածի պատասխանատվությունը գցում է հայերի վրա, անմեղ դուրս բերում

²⁵ Rustem Bey, p. 33. Այս մասին տե՛ս նաև Ե. Սարգսյան, Ռ. Սահակյան, Հայ ժողովրդի նոր շրջանի պատմության նենգափոխումը թուրք պատմագրության մեջ, Հայպետհրատ, Երևան, 1963, էջ 16—17։

²⁶ Записки Джемаль Паша, стр. 214.

²⁷ Տե՛ս նույն տեղում։

²⁸ Նույն տեղում։

երիտթուրքերին, իսկ շարզերին դո՛ւ զնացած հայերի թիվը համարում ընդամենը հազար մարդ²⁹։

Ահա, վերջապես, երիտթուրքերի ապագա տրիումփրատի անդամներից մեկի, հայ ժողովրդի արյունարբու դահիճ Թալաաթ փաշայի վկայությունները Ադանայի ղեպքերի մասին։ Իր «Հիշողություններ»-ում Թալաաթը, ղուզահեռ անցկացնելով Ռումելիում բուլղարների և Անատոլիայում հայերի ծավալած ազատագրական շարժումների միջև, նշում է, որ դրանք բուլղարների և հայերի կողմից հրահրվում էին «սոսկ քաղաքական նպատակներով», այն է՝ Եվրոպայի միջամտության օգնությամբ «իրենց համար ապահովել ինքնավար վարչություն և ապա անկախություն»³⁰։ «Ադանայի ղեպքերը,—շարունակում է նա,—բացառապես նրանց (հայերի —Ն. Մ.) գործերն են, որոնք ի վերջո վերագրվել են թուրք ժողովրդին»³¹։ Ինչպես հայտնի է, Ադանայի ղեպքերից որոշ ժամանակ անց Թալաաթը դառնում է Օսմանյան կայսրության ներքին գործերի մինիստր։ «Իրեն անկողմնակալ պետական գործիչ,—պատմում է նա,—և ուշադրությամբ քննեցի Ադանայի ղեպքերի մասին եղած պրովոկացիոն փաստաթղթերը։ Հետաքննող հանձնաժողովի հայ անդամների վկայությամբ ևս հաստատվում է, որ ղեպքերը եղել են հայերի սադրանքի արդյունք։ Հանձնաժողովի անդամներից մեկը՝ Հակոբ Պապիկյանը անձամբ խոստովանեց ինձ»³²։

Այսպիսով, ժամանակակից Թուրքիայում ամեն ջանք գործադրվում է թաքցնելու երիտթուրքերի կատարած ոճրագործությունները, որի համար նրանք բռնել են փաստերը նենդափոխելու իրենց սովորական ուղին։ «Թուրքական կառավարությունը,—1909 թվականի մայիսի 15-ին հաղորդում է Կ. Պոլսում ուսական դեսպան Զինովևր—ըստ երևույթին աշխատում է նսեմացնել Ադանայի խառնակությունների նշանակությունը և, ի միջի այլոց, խառնակությունների ժամանակ սպանվածների թվի մասին տարածում է այնպիսի տեղեկություններ, որոնք խիստ հակասում են մեր տեղական

²⁹ Esat Uras, Tarihte Ermeniler ve Ermeni meselesi, Ankara, 1950. s. 575. Տե՛ս նաև Ե. Սարգսյան, Ռ. Սահակյան, նշվ. աշխ. էջ 16։

³⁰ Tal'at Paşa, Hatıraları, İstanbul, 1946, s. 14. «Հիշողություններ»-ի հայերեն թարգմանությունը տե՛ս ՀՍՍՀ ԳԱ արևելագիտության սեկտորի արխիվում, էջ 12։

³¹ Նույն տեղում։

³² Նույն տեղում, էջ 15։

գործակալներից իմ և մի քանի օտարերկրացի ընկերակիցներին ստացած տեղեկություններին...»³³։

Ֆրանսիացի պատմաբան Ժորժ Բրեզոլը իր «Այստեղից թուրքերն են անցել ...» ճշմարտությունը 1909 թվականի Ադանայի կոռուքիաների մասին» չափազանց արժեքավոր գրքում, որի հրապարակումը մի մեղադրական ակտ էր՝ ուղղված երիտթուրքերի դեմ, ուշագրավ տեղեկություններ է բերում կոռուքիաներին նախորդած ժամանակաշրջանի որոշ իրադարձությունների մասին, որոնք լույս են սփռում ջարդերի նախապատրաստական փուլի վրա։ Մոսկովյանները, գրում է նա, արդեն իրենց թվական կազմով մի պատկանելի ուժ էին ներկայացնում վիլայեթում, «մանավանդ որ, որոշ ժամանակից ի վեր, առանց ակնհայտ պատճառի (ընդգծումը մերն է։— Հ. Մ.) թուրքերն սկսեցին ամեն տեսակ զենքի առատ պաշարներ կուտակել։ Չորս կամ հինգ ամսում Ադանայի շուկայում վաճառվեց ավելի քան 30.000 թուրքական լիրայի (մոտավորապես 700.000 ֆրանկի) ամեն տրամաշափի զենքեր՝ գերմանական, ավստրիական ու բելգիական արտադրության ատրճանակներ, հրացաններ ու կառարիններ»³⁴։

Էրզրոմի ռուսական գլխավոր հյուպատոսը մարտի սկզբին հաղորդում էր Կոստանդնուպոլիս՝ ռուսական դեսպան Զինովևին, որ «Երիտթուրքերը սկսել են շտապ կարգով զինել մոսկովյաններին, առանձնապես քաղաքների դադաշներին, որոնք հայտնի են իրենց ասանձարձակությամբ և հայերի նկատմամբ տածած ատելությամբ»։

Ոչ այդ գործողությունները, ոչ դրանց պատճառները, իհարկե էին կարող գաղտնի պահվել, և խուլ հուզումը մոսկովյանների շրջանում արդեն Էրզրոմի վիլայեթից բացի ընդգրկել է Բիթլիսի, Սվասի, Խարբերդի և Դիարբեքի շատ վայրեր»³⁵։

Կոռուքիաներից դեռ շատ առաջ ամբողջ Անատոլիայում թուրք մոսկովյանական բնակչության շրջանում ռեակցիոն տարրերը սկսել էին տարածել լուրեր, թե հայերը զինվում են և նպատակ ունեն կոտորել մահմեդականներին ու առևանգել նրանց կանանց»³⁶։ Կոռու-

³³ Геноцид армян в Османской империи. Сборник документов и материалов. Под ред. проф. М. Г. Нерсисяна, Ереван, 1966, стр. 169.

³⁴ Georges Brézol, op. cit., p. 8.

³⁵ Геноцид армян..., стр. 167.

³⁶ Համբարձում Աշեյան, Ատանայի եղեռնը և Գոնիայի հուշեր, Նյու-Յորք, 1950, էջ 149; Տեղեկագիր Հակոբ Պապիկյանի, Կ. Պոլիս, 1919, էջ 23։

քաժնեիրին նախորդած օրերին մոլեռանդ ամբոխի զրգոված վիճակը արդեն հասել էր գագաթնակետին:

Ջարդերից մի քանի օր առաջ, արձանագրել է Հ. Պապիկյանը իր «տեղեկագրի» մեջ, «Իթիդալ» թերթի խմբագրության կողմից կազմակերպված մի միտինգում երոլոր իսլամ դասակարգերը — պաշտոնյա, կրոնական, զինվոր և գործավոր — կաշխատին զանգվածային հարձակման մը պատրաստվելու համար»³⁷: Միտինգում վալին հայտարարում է, որ զինապահեստը «կողոպտված է ալս գերգրգռված ամբոխի կողմէ»: Բայց քանի որ, շարունակում է Հ. Պապիկյանը, զինապահեստը պահպանվում էր պահակախմբի կողմից և պահակներն էլ առանց զինադրության չպետք է թողնեին նրանց մտնել պահեստ, և որ ապացուցված չէ, թե որեւէ բախում տեղի է ունեցել պահակների ու ժողովրդի միջև և որ «միևնույն բանը պատահած է նահանգին բոլոր ալս մասերուն մեջ՝ ուր ալս պատճառներով ջարդեր տեղի ունեցած են, կասկած չի թողուր, որ զենքերը բաշխված են կառավարական հրամանով»³⁸: Եվ քանի որ «կառավարական հրամանը» տրված պետք է լիներ երիտթուրքերի դրածոների կողմից, իսկ կուտակված զենքերը պետք է մի օր կրակեին և գրգռված մոլեռանդ ամբոխի արհեստականորեն ներշնչված ատելությունն էլ քրիստոնյաների նկատմամբ պետք է պոռթկար, ապա մնում էր միայն առիթը, որը ներկայացավ, երբ լուր ստացվեց Ստամբուլում տեղի ունեցած ռեակցիոն հեղաշրջման մասին:

Կոտորածներն սկսվեցին ամենից առաջ Ադանա քաղաքում՝ առանց հայերի կողմից պրովոկացիայի կամ հարձակման առիթ ստեղծելու, որոնց կարիքը նրանք չունեին, քանի որ չէին հետապնդում ոչ անջատվելու և ոչ էլ հատկապես մահմեդականներին կոտորելու նպատակ: «...Կարելի չէ եղած գտնել փաստ մը՝ որ կարենար ենթադրել տար թե հայերը կը սնուցանեին հայրենասիրական զգացմունքներու հակառակ գաղափար մը, ալսինքն՝ անջատողականութուն»³⁹:

Ինչպես նշում են աղբյուրները, 1908 թվականի ապրիլի 1-ի (14-ի) օրը Ադանա քաղաքի շուկայում և բանուկ թաղերում արտակարգ աշխուժություն և ոգևորություն էր նկատվում մահմեդական բնակչության շրջանում: Զինված թուրքերն ու քրդերը վխտում էին քաղաքում: Հայերը կանխազգալով ինչ-որ վատ բան, փակում են

37 Նույն տեղում, էջ 25:

38 Նույն տեղում, էջ 25—26:

39 Նույն տեղում, էջ 33:

իրենց խանութները և շտապում տուն՝ նախ որևէ պրոլեկարիայի առիթ չտալու և ապա պաշտպանվելու համար⁴⁰։ Բայց վալին, իբր մոտ կանչելով հայոց հոգևոր պետերին ու քաղաքի երևելիներին, պահանջում է, որ հայերը վերադառնան իրենց խանութները և վերսկսեն աշխատանքը։ Իրականում, քաղաքի իշխանությունների նպատակն էր հայերին զրկել ինքնապաշտպանության բոլոր միջոցներից և դուրացնել նրանց բնաջնջումը մահմեդականների կողմից⁴¹։ Եվ երբ հայերը, տեղի տալով վալիի պահանջին, վերադառնում են իրենց աշխատանքին, սկսվում է կոտորածը։ «Հետո ամբոխը հարձակած է հայ թաղին վրա,— գրում է Հ. Պապիկյանը,— սպաննելու համար բոլոր անոնք որ տուն ապաստանած կամ հոնկն բնավ դուրս չէին ելած։ Այն ատեն է միայն, որ հայերը գտնվելով օրինավոր ինքնապաշտպանության մը հարկին տակ, զինված դիմադրություն մը ցույց տված են, ուրկեց պատահած են երկուստեք կորուստներ։ Սակայն, որովհետև ոչ մեկ հայ երբեք չէ հարձակած իսլամ թաղին վրա, և որ բոլոր իսլամ սպանվածները գտնված են հայ թաղին կամ ասոր մոտակա դիրքերուն վրա, բացարձակորեն անկարելի է պնդել, որ հայերու ձեռք առած միջոցը պաշտպանողական և թուրքերունը հատկապես պատրաստված հարձակողական չլլա»⁴²։

Երեք օր ու չորս շաբաթանակվեցին ջարդերն ու արյունահեղությունը քաղաքում⁴³։ «Մահմեդականների վայրագությունները Ադանայի վիլայեթում հասել էին հրեշավոր չափերի,— հաղորդում է ռուսական դեսպան Զինովևը։— Սպանված քրիստոնյաների, հատկապես հայերի թիվը հասնում է մինչև 15.000 մարդու... Ադանուր քաղաքը այլևս գոյություն չունի, իսկ ամբողջ ունեցվածքը և պաշարները կողոպտված լինելու հետևանքով կոտորածներից խուսափած քրիստոնյա բնակչությունը սկսում է սովի մատնվել»⁴⁴։ Հետագա օրերին կոտորածները ծայր առան Ադանայի վիլայեթի գրեթե բոլոր սանջաքներում։ Հաղիվ էին դրանք կարճ ժամանակով զազարել, երբ ջարդերը նորից վերսկսվեցին մի քանի օրից հետո

40 Տե՛ս Հ. Ալեյան, նշվ. աշխ., էջ 16։ G. Brezol, op. cit., p. 17. «Ժամանակ», 1 ապրիլի 1909 թ.։ Տեղեկագիր Հ. Պապիկյանի, էջ 26։

41 Տե՛ս Տեղեկագիր Հ. Պապիկյանի, էջ 26։ Аданские черные дни, стр. 15.

42 Տեղեկագիր Հ. Պապիկյանի, էջ 27։

43 Տե՛ս Аданские черные дни, стр. 7.

44 Геноцид армян..., стр. 168.

սոսմեյիական զորքերի ժամանման հետ միասին, որոնք եկել էին թուրքական կառավարութեան կարգադրութեամբ իբր կարգ ու կանոն վերահաստատելու համար⁴⁵:

Կոտորածներին զոհ զնացին ոչ միայն հայերը: Դահլիճները «Ատանայի բրիտանյաններուն մեջ ոչ մեկ խտրութիւն գրած են»⁴⁶, որի հետեանքով զոհ զնացին նաև հարլուրավոր հայ կաթողիկէներ, բողոքականներ, հույներ, կաթողիկ սիրիացիներ, սիրիացիներ, քաղ-դեացիներ և այլն⁴⁷:

Կոտորածների այդ ողբերգական օրերին հայերը դարձլալ իրենց մեջ գտան կոտով՝ պաշտպանելու իրենց ընտանիքը, ունեցվածքն ու պատիւը: Ինչպես նշում են աղբյուրները, այնտեղ, որտեղ թեկուղև փոքրիկ խմբերով հայերը կարողացան զենքը ձեռքին դիմել ինքնա-պաշտպանութեան, նրանք վերապրեցին և փրկվեցին անխուսափելի կոտորածից: Ինքնապաշտպանական հերոսական մարտեր տեղի ունեցան Քեսարում, Չորթ-Մարդվանում, Յընդջաքում, Շեյխ-Մուրադում, Շարդերեում, Սիսում, Կարսում (չշփոթել Կարս քաղաքի հետ), Հաճընում և այլուր⁴⁸:

Ադանայի վիլայեթի հայ բնակչութեան այդ օրհասական օրերին գտնվեցին բարեկամներ ու կարեկցողներ, որոնք օգնութեան ձեռք մեկնեցին հայերին՝ ընդդեմ թուրք ջարդարարների: «Գրեթէ մասնուրեք,— գրում է Ադանայի սե օրերը» գրքի հեղինակը,— մոլեռանդ և դադալած ամբոխի մեջ գտնվում էին առանձին պայծառ անհատներ, բնակչութեան ամբողջ խավեր, որոնք, չենթարկվելով ընդհանուր հոսանքին, իրենց պահում էին միանգամայն մարդկայնորեն, նույնիսկ հերոսաբար»⁴⁹: Տարսուսի ֆելլահները ապաստան տվեցին հաղարավոր հայերի, որոնք հրո ճարակ դարձած իրենց տներից փախչելով, ապաստան էին փնտրում դաշտերում ու այգիներում: «Պակաս մարդասիրութիւն չցուցաբերեցին Աֆրինի հովտի բրդերը, Չուբուրօլայի կիսավաչկատուն յուրուքները և շերքեղները»⁵⁰:

Ինչպես հայտնի է, Ադանայի վիլայեթում կազմակերպված ջարդերին զոհ զնաց մոտ 30.000 հայ և այլազգի բնակիչ: Սա ընդ-

45 Նույն տեղում:

46 Տեղեկագիր Հ. Պապիկյանի, էջ 15:

47 Նույն տեղում, էջ 15—16:

48 Аданские черные дни, стр. 21.

49 Նույն տեղում, էջ 17—18:

50 Նույն տեղում:

հանուրի կողմից ընդունված թիվն է: «Եթե մենք հաշվի առնենք Անտիոքի, Բեյլանի, Ալեքսանդրեոսի, Մարաշի և Հալեպի վիլայեթի մյուս վայրերի կոտորածները,— գրում է Ժորժ Բրեզոլը,— ապա կարող ենք առանց որևէ հնարավոր կասկածի պնդել, որ հայ ազգը կորցրեց երեսուն հազար մարդ»⁵¹: Իսկ Ֆաուդ փաշան, որը կոտորածների օրերին սուլթանական Թուրքիայի ներքին գործերի մինիստրն էր, լիտիարար հայտարարում էր Կոստանդնուպոլսի ժուռնալիստներին. «Ինչպե՞ս էիք ուզում, որ Կիլիկիայի 40 հազարանոց հայ բնակչությունից 30.000 սպանված լինեի, քանի որ մեր վիճակագրական տվյալների համաձայն դեռևս կան 25.000 կենդանի մնացած հայեր»⁵²: Կառավարությունը նախ պաշտոնապես հայտարարել էր, թե իբր սպանված է 1.500 ոչ իսլամ և 1.900 իսլամ, բայց հետաքննությունից հետո ստիպված եղավ ընդունելու 6.000 թիվը»⁵³:

Ինչպես հայտնի է, կոտորածներից մեկ ամիս հետո, մայիսին, թուրքական կառավարությունը նշանակեց հատուկ հանձնաժողով՝ ջարդերի պատճառներն ու հանգամանքները ճշտելու և ղեկուցադիր ներկայացնելու նպատակով: Այդ հանձնաժողովը կազմվեց օսմանյան պառլամենտի հայ ղեպուտատներ Գրիգոր Զոհրապի և Վարդգեսի համառ պահանջներով⁵⁴: Հանձնաժողովի մեջ բացի Ֆալիդ բեյից և Յուսուֆ Քեմալ բեյից, մտնում էին նաև Մանաստիրի վիլայեթի դատական քննիչ Հարություն Մոստիշյանը և Օսմանյան կայսրության պառլամենտի էդիոննի ղեպուտատ, թուրքասերի համարում ունեցող⁵⁵, երիտթուրքերի «Միասնություն և առաջադիմություն» կուսակցության անդամ⁵⁶ Հակոբ Պապիկյանը, որի վրա երիտասարդ թուրքերը մեծ հույսեր էին դնում այդ առաքելությանն ուղարկելիս: Սակայն Հ. Պապիկյանը այդ հույսերը շարդարացրեց, և Քեմալ բեյից անկախ կազմելով իր տեղեկագիրը (որից վերևում մենք մեջբերումներ կատարեցինք), վերադարձավ Կոստանդնուպոլիս և հայ հասարակայնությանը ծանոթացրեց իր եզրակացություններին: Կատարած անաշու քննությունից հետո նա եկավ այն զլխավոր եզրա-

⁵¹ G. Brézol. op. cit., p. 369.

⁵² Ibidem, p. 365.

⁵³ Տե՛ս «Տեղեկագիր» Հ. Պապիկյանի, էջ 17:

⁵⁴ Геносид армян..., стр. 502.

⁵⁵ Զ. Կիրակոսյան, Առաջին համաշխարհային պատերազմը և արևմտահայությունը, Երևան, 1967, էջ 48:

⁵⁶ Ազատարար շարժուն բանակին հաղթական մուտքն ի Կ. Պոլիս: Կ. Պոլիս, 1909, էջ 197:

կացութիւն, որ «Իթիթհատ և Թերաբբը կուսակցութիւն անդամները Ատանայի վայրագ եղերերգութիւն կազմակերպման և գործադրութիւն մասնակից են»⁵⁷։ Օգոստոսի սկզբներին նա ելույթ էր ունենալու պառլամենտի նիստում, բայց դրանից մի քանի օր առաջ մահացավ բոլորովին առեղծվածային մահով⁵⁸։

2. Պապիկյանի մահից հետո հրիտասարդ Թուրքերի մերկացման գործը շարունակեց Գր. Զոհրապը Թուրքական պառլամենտում ունեցած իր փալլուն ելույթներով։ Հետագայում (1911 թվականին) նա պատմում էր իր այդ ելույթների մասին. «Հավասարութիւն բացակայութիւնը կը դռներ ամեն տեղ, նույնիսկ օսմ. Խորհրդարանին մեջ։ Քրիստոնյա տարրը երկրին բնակչութիւն մեկ երրորդը կամ առնվազն մեկ շորրորդն է. օսմ. Խորհրդարանին մեջ մեկ յոթերորդն է... Ամենեւնի մեծ և ահալոր ապացույցը թե Սահմանադրութիւն հռչակելով ժողովուրդին վարքը ու բարքը չեն փոխվիր՝ Ատանայի արշունայի աղետն է... Պիտի լըսեր թե խուժանին գործն է այդ, բայց ինչ ընթացք բռնեց, օսմ. Երեսփ. ժողովը ինչ ըրավ... Ատանա խրկված դինվորական ատյանները միասին կախաղան բարձրացուցին չարդողը և չարգլողը։ Երբ օսմ. Խորհրդարանին բեմեն Ատանայի կոտորածը պատմեցի և ղայրույթս հայտնեցի, գիտեք թե ինչ աղմուկներով ձայնս խեղդել ուղեցին։ Կառավարութիւն ներկայացուցիչը հայերուն անհիմն վերագրումներ ըրավ և ծափերով իսլամ երեսփոխանները ողջունեցին այս հայտարարութիւնները... Մեր առաջին դործը եղավ այս աղետին պատասխանատուութիւնը ճշտել տալ, ուղեցինք հայ տարրին կողմն առանց պատճառ տված ըլլալու չարդի սկսված ըլլալը և հայոց... անմեղութիւնը հռչակվի... Վերջապես դահլիճեն ստացանք ծանոթ հայտարարութիւնը... Աննախընթաց դեպք մըն էր օսմ. կառավարութիւնն ձեռք բերել այսպիսի պաշտոնական խոստովանութիւն մը»⁵⁹։

Այդպիսի պաշտոնական հայտարարութիւնից հետո, երբ կոտորածների պատասխանատուութիւնը հայ բնակչութիւն վրա գցե-

57 Տեղեկագիր 2. Պապիկյանի, էջ 42։

58 Геноцид армян..., стр. 502. 2. Աշէյան, նշվ. աշխ., էջ 52։ Տեղեկագիր 2. Պապիկյանի, էջ 6։

59 Ա. Բ. 2. Ա լ պ ո յ ա ն, Անհետացող դեմքեր։ Գրիգոր Զոհրապ (իր կյանքը և գործը), Կ. Պոլիս, 1919, էջ 205—206։ Խոսքը Թուրքական կառավարութիւն 1909 թվականի հուլիսի 31-ի հայտարարութիւն մասին է, որով հայերը անմեղ էին ճանաչվում կոտորածների համար։ Հայտարարութիւն տեքստը տե՛ս 2. Աշէյանի մեջը. աշխ., էջ 55—57։

լու հուլսը շարդարացավ, երիտթուրքերը սկսեցին որոնել մի ճոր-
քավուժյան նոխադ... Աբդուլ Համիդը: Բայց, ինչպես մենք աշխա-
տեցինք ցույց տալ, այստեղ ևս նրանք հիմնավոր մեղադրանքներ
չկարողանալով գտնել կամ ստեղծել, ստիպված եղան խոստովա-
նել, որ «Հաջողվեց հաստատել Աբդուլ Համիդի մեղսակցությունը
այդ կտորածներին...»⁶⁰:

Կովկասյան զինվորական օկրուգի գլխավոր շտաբի պետի պաշ-
տոնակատար գեներալ-մայոր Կարպովը 1909 թվականի հունիսի
5-ին հաղորդում էր. «Կոտորածի և կողոպուտի բոլոր դեպքերին
ամենաքերժ մասնակցություն են ունեցել զինվորները. սա մի փաստ
է, որը հաստատվել է հարյուրավոր վկաների և այժմ Ադանայում
գործող քննչական հանձնաժողովի կողմից: Ավելին, Մերսին ժա-
մանած նիզամի 3-րդ կորպուսի առաջին զորամասերը, որոնք ամ-
բողջապես գտնվում են երիտասարդ թուրք սպաների ձեռքում, կա-
տարում են նույնպիսի գազանություններ, ինչ որ այստեղի կոր-
պուսի նրանց ընկերները. սրանք ևս փաստեր են, որ չեն ժխտում
նաև իրենք՝ երիտթուրքերը, բայց բացատրում են հետադիմական
տարրերի պրովոկացիայով: Սկզբում երիտթուրքերը Ադանայի կո-
տորածի մեղքը վերագրում էին Աբդուլ Համիդի մեքենայություն-
ներին, որը ցանկանում էր դրանով ուշադրությունը շեղել Կոստան-
դնուպոլսում նախապատրաստվող հեղաշրջումից...»⁶¹:

Քիսկական մեղավորներն ու մարդասպանները՝ իշխանություն-
ներն ու մակեդոնական (երիտթուրքական) զորքերը ոչ էլ մտածում
էին թաքնվել, ասենք դրա համար նրանք պատճառ էլ չունեն, քանի
որ նրանք են հանդիսանում զինվորական դատարանների ու քննչա-
կան հանձնաժողովների անդամները, և նրանք էլ այժմ պահպա-
նում են կարգը երկրում, որտեղ և նրանք կոտորել են 25—30 հազար
բրիտանյա: Այն, ինչ տեղի է ունենում զինվորական դատարաննե-
րում, հատկապես Ադանայում արդարադատության անվան տակ
չարագույն ծաղր է նրա նկատմամբ», — գրում էր վերոհիշյալ շտա-
բի պետի մեկ այլ պաշտոնակատար գեներալ-մայոր Յուզենիչը
1909 թվականի հուլիսի 15-ին⁶²:

Հետագայում երիտասարդ թուրքերը, դառնալով իմպերիալիս-
տական Գերմանիայի ռազմական դաշնակիցը և իրենց անսպարտելի
կարծելով, մտան արդեն սկսված առաջին համաշխարհային պա-

⁶⁰ Геноцид армян..., стр. 172—173.

⁶¹ Նույն տեղում, էջ 171—172:

⁶² Նույն տեղում, էջ 172:

տերադմի մեջ և այլևս չէին աշխատում թաքցնել իրենց ղեկավար գերը Ազանայի կոտորածների մեջ: Ահա ինչ էր հայտարարում երկաթուղիների կոմիտեի անդամ, գոկտոր Նազրմը մի խորհրդակցությունում, որտեղ ինքը հանդես էր գալիս որպես զխավոր ղեկույց: «Եթե 1909-ի մեր Ազանայի և այլ վայրերու մեջ կատարել տվածին նման (ընդգծումը մերն է:—Ն. Մ.) տեղական ջարդերով պիտի դոհանանք... Օղուտի տեղ վնասը անպայման է»⁶³: Սա արդեն ժողովրդի մի ամբողջ հատվածի բնաջնջման ծրագիրն էր, որ երկաթուղիները ոճրագործ կերպով սկսել էին կազմել և շուտով կենսադուրսեցնել էին:

Ազանայի կոտորածները մինչև հոգու խորքը ցնցեցին ամբողջ հայ ժողովրդին: Ամենուրեք լսվում էր նրա արդար բողոքի ձայնը: Երբն արձագանքում էին նրա լավագույն բարեկամները աշխարհի տարրեր մասերում: «...Կիլիկիայի ջարդը ձմեռը աղիքներս,— իր նամակներից մեկում գրում էր հայ ազդանդավոր բանաստեղծ Գուրնիկ Վարուժանը:— Ցեղին հոգին արյուն կուլա մեջս, հրդեհված բաղաճներեն եկող ամեն լուր՝ տաք մոխրի պես կթափի գլուխիս և սրտիս վրա: Հինգ դարեր պետք եղան՝ որպեսզի թուրքերեն մաս մը բաղաճակրթվեր, հվրոպականանար, ինչպես փառած կաթսաները կկլայնկվին. ով գիտե դեռ որչափ հինգ դարեր են պետք և որչափ հայու արյուն՝ մյուս մեծագույն մասին համար: Երիտասարդ թուրքերը չեն դադրի Եվրոպայի հասցնելի թե թուրքը ի բնի բարի ժողովուրդ է, տա՛հ հայերու անխոհմտությունն է աղետին սկզբնապատճառը ոճիր-եղած՝ Եվրոպայի հայանպաստ կարծիքին հակադրելու համար, կարծիք մը՝ որ առանց ատոր ալ պոռնկացած է»⁶⁴:

Սովետական արևելագետ Յու. Վ. Մարունովը իր «Երկաթուղիների բաղաճականությունը ազգային հարցում (1908—1912)» արժեքավոր հոդվածում, նոր փաստերի ու վավերագրերի հիման վրա արդեն անառարկելի կերպով հաստատում է, որ «Ազանայի ջարդը (1909 թվականի ապրիլ), որը տարածվել էր նաև մյուս շրջանների

مولان زاده رفعت، توريكه، انقلابك ايج يوزى، حلب، ۱۹۲۹، ص ۸۹-۹۰

Մե և վ ա ն Զ ա գ է Ռ ի ֆ ա թ, Թուրքական հեղափոխությունը և մոթ ծալքերը, Թարգմ. Թուրքերենից, Բեյրութ, 1938, էջ 159—160: Տե՛ս նաև Ն. Ղ. Ս ա ր գ ա յ ա ն, Թուրքիան և նրա նվաճողական բաղաճականությունը Անդրկովկասում, 1914—1918, Երևան, 1964, էջ 232:

64 Գ ա ն ի ե լ Վ ա ր ո �ւ ժ ա ն, Նամականի, Երևան, 1965, էջ 174:

վրա, նախօրոք նախապատրաստված և հրահրված էր «Միասնու-
թյուն և առաջադիմություն» կոմիտեի կողմից»⁶⁵։

Միջազգային պրոլետարիատի առաջնորդ Վ. Ի. Լենինը և ԽՍՀՄ-ի
բոլշևիկյան կենտրոնի օրգան «Պրավդա» թերթը, դասակարգային
միանգամայն ճիշտ գնահատական տալով երիտթուրքերի բուրժու-
ական վերնախավային հեղափոխությանը, խոր հետաքրքրություն
էին հանդես բերում արևմտահայության ճակատագրի նկատմամբ,
ընդամին ցույց տալով թուրքական բուրժուազիայի ռեակցիոն շովի-
նիստական քաղաքականությունը նրա նկատմամբ։ «Երիտթուրքերն
իրենց առաջին իսկ քայլերից, կարծես դիտավորյալ կերպով, սկսե-
ցին իրենցից հտ մղել Օսմանյան կայսրության ժողովուրդների հա-
մակրանքը,— գրել է «Պրավդա»-ն 1912 թվականին։— Նրանք
դրսևորեցին լիբերալ բուրժուազիայի բոլոր արատներն ու թույու-
թյունները, իսկ մյուս կողմից իշխանության գլուխ անցած գինվո-
րական կաստայի ամբողջ դեսպոտիզմը։ Խոսքով լինելով լիբերալ-
ներ, նրանք գործնականում տոգորված էին սեհաբյուրականային ամե-
նաթունդ տեսակի նացիոնալիզմով և մոլի բուրժուական էգոիզ-
մով... Նրանց ձգտումն էր՝ թուլացնել Օսմանյան կայսրության մեջ
ապրող հայերին... կիրառելով էլ ավելի կոպիտ բնույթի միջոցա-
ռումներ, քան կիրառվում էին Աբդուլ Համիդի ժամանակ»⁶⁶։

1913 թվականի հուլիսին «Պրավդա» թերթը, դարձյալ անդրա-
դառնալով հայ ժողովրդի ճակատագրի հարցին, հրապարակում է
«Փոքր Ասիան և հայկական հարցը» խորագրով ընդարձակ հոդ-
վածք, որի մեջ կոնկրետ կերպով խոսելով Կիլիկիայի 1909 թվականի
ապրիլի հայկական կոտորածների մասին, որոշակիորեն նշում է,
որ «ներկա ռեժիմի (այսինքն երիտթուրքերի ռեժիմի—Հ. Մ.) պայ-
մաններում, Ադանայում արդեն կազմակերպվեց 30 հազար հայերի
կոտորածը»⁶⁷։

1913 թվականի դեկտեմբերին Մոսկվայում կարդացած հրա-
պարակային մի դասախոսության մեջ Ա. Մյասնիկյանը, վերլու-
ծելով Օսմանյան կայսրության, այդ «ներսած և քայքայվող դիակի»

⁶⁵ Ю. В. Марунов, Политика младотурок по национальному во-
просу (1908—1912). Кратк. сообщ. Инст. нар. Азии, XXX, 1964, Москва,
стр. 16.

⁶⁶ «Պրավդա», 1912 թվականի հուլիսի 27։

⁶⁷ «Պրավդա», 1923 թվականի հուլիսի 27։ Մեջբերումները արված են ըստ
պրոֆ. Ար. Ն. Մնացականյանի «Հայ ժողովրդի ողբերգությունը ռուս և համաշ-
խարհային հասարակական մտքի գնահատմամբ» գրքի, Երևան, 1965, էջ 75—76։

վիճակը, ընդգծում էր, որ «երիտթուրքերի օրոք հայերի դրությունը բոլորովին չլավացավ... այն մնաց նույնը, ինչ որ կար Համիդի օրերին»։ Որպես ասպետույց Ա. Մյասնիկյանը վկայակոչում է Ադանայի հայերի կոտորածները⁶⁸։

* * *

Ադանայի խաղաղ հայ բնակչության 1909 թվականի ապրիլյան կոտորածը երիտթուրքերի՝ իշխանության գլուխ անցնելուց և սահմանադրությունը հռչակելուց հետո լայնորեն ծրագրված ցեղասպանության մի ունի էր, իր տեսակի մեջ առաջինը սահմանադրական Օսմանյան կայսրութայնում։ Եվ բուրժուական պատմադրության բոլոր ջանքերը՝ դրա պատասխանատվությունը գցելու հայերի կամ հին ուսուցիչ՝ այսինքն Արգուլ Համիդի վրա անհիմն են և անապացույց։ Այդ կոտորածը այն նույն ուժերգործ մտքի արգասիքն է, որը ցեղասպանությունը բարձրացնելով մինչև պետական պաշտոնական քաղաքականության աստիճանի, ավելի դաժան ու տանգորույն մեթոդներով կիրառեց 1915 թվականին հայ ժողովրդի ամբողջ արևմտահայ հատվածի նկատմամբ։

А. Г. МАТИРОСЯН

РЕЗНЯ АРМЯН В КИЛИКИИ В АПРЕЛЕ 1909 ГОДА И ВОПРОС ОБ ОТВЕТСТВЕННОСТИ МЛАДОТУРОК

Резюме

В начале апреля 1909 года (по ст. ст.) в городе Адане, а затем и во всем Аданском вилайете и за его пределами развернулись кровавые события, в результате которых за короткий срок времени (за 13 дней) было вырезано около 30 тысяч армян. События развернулись непосредственно после так называемых «событий 31-го марта» — контрреволюционного переворота, в результате чего власть младотурок была свергнута и временно (на две недели) перешла в руки «кровавого султана» Абдул Гамида II. Это обстоятельство дало повод

⁶⁸ Տե՛ս «Մշակ», 1913 թվականի դեկտեմբերի 25 (Ար. Մնացականյան, նշվ. աշխ., էջ 77—78)։

многим западноевропейским и американским буржуазным историкам возложить вину и ответственность за резню армян на Абдул Гаида. Турецкие же буржуазные историки и государственные деятели того периода, формально не отрицая причастность Абдул Гаида к указанным кровавым событиям, возлагали и возлагают всю вину и ответственность на тех, кого убивали... на армян.

Вопреки вышеуказанным необоснованным утверждениям буржуазных ученых, в настоящей статье делается попытка доказать, что факт заблаговременного вооружения мусульманского населения, разжигания в нем антиармянских настроений и религиозного фанатизма, а затем методичность и организованность проведения операций по истреблению армян с неоспоримой очевидностью доказывают, что эта массовая резня ни в чем не повинного армянского населения Османской империи—одно из первых проявлений человекопонавистической и шовинистической политики истребления народов—геноцида,—была заранее продумана, подготовлена и проведена реакционной младотурецкой партией «Единение и прогресс», которая впоследствии, в период первой мировой войны, став союзницей империалистической Германии, организовала новую подобную резню армян в более широких и чудовищных масштабах.